

四庫全書

集部

欽定四庫全書

集部

劉賓客外集卷一至三

詳校官監察御史_臣邱文愷

檢討_臣何思鈞覆勘

總校官進士_臣繆琪

校對官主事_臣龔敬身

謄錄監生_臣畢所誦

欽定四庫全書

劉賓客外集卷一

唐 劉禹錫 撰

詩

翰林白二十二學士見寄詩一百篇因以荅

貺

吟君遺我百篇詩使我獨坐形神馳
玉琴清夜人不語琪樹春朝風正吹
鄴久片斷無痕跡仙人衣裳棄刀尺
世人方內欲相尋行盡四維無處覓

始至雲安寄兵部韓侍郎中書白舍人二公

近曾遠守故有屬焉

天外巴子國山頭白帝城
波清蜀村盡雲散荒臺傾
迅瀨下哮吼兩岸勢爭衡
陰風鬼神過暴雨蛟龍生
硤斷見孤邑江流照飛甍
蠻軍擊嚴鼓笳馬引雙旌
望闕遙拜舞分庭備將迎
銅符一以合文墨紛來縈
暮色四山起愁猿數處聲
重關羣吏散靜室寒燈明
故人青霞意飛舞集蓬瀛
昔曾在池籞應知魚鳥情

白舍人自杭州寄新詩有柳色春藏蘇小家
之句因而戲酬兼寄浙東元相公

錢塘山水有奇聲暫謫仙官領百城
女妓還聞名小小使君誰許喚卿卿
鰲驚震海風雷起蜃闕噓天樓閣成
莫道騷人在三楚文星今向斗牛明

春日書懷寄東洛白二十二楊八二庶子

曾向空門學坐禪如今萬事盡忘筌
眼前名利同春夢醉裏風情敵少年
野草芳菲紅錦地遊絲撩亂碧羅天

心知洛下閒才子不作詩魔卽酒顛

白舍人見酬拙詩因以寄謝

雖陪三品散班中資歷從來事不同名姓也曾鐫石柱
詩篇未得上屏風甘陵舊黨凋零盡魏闕新知禮數崇
烟水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來替左司二八城門開道路
五千兵馬引旌旗水通山寺笙歌去騎過虹橋劍戟隨

若共吳王鬪百草不如應是欠西施

蘇州白舍人寄新詩有歎早白無兒之句因

以贈之

莫嗟華髮與無兒却是人間久遠期雪裏高山頭白早

海中仙果子生遲于公必有高門慶謝守何煩曉鏡悲

幸免如新分非淺祝君長咏夢熊詩

高山本高于門使之高二義故殊古

之詩流曉此

和汴州令狐相公到鎮改月偶書所懷二十

二韻

受脤新梁苑和羹舊傅巖援毫動星宿垂釣取韜鈴赤
奕三川至歡呼百姓瞻綠油貌虎擁青紙鳳皇銜外壘
曾無警中厨亦罷監推誠人自服去殺令逾嚴赴赴容
皆飾幡幡口盡鉗為兄憐庾翼選婿得蕭咸鬱屈咽喉
地駢臻水陸兼渡橋鳴紉憶入肆颺雲帆端月當中氣
東風應遠占管弦喧夜景燈燭掩寒蟾酒每傾三雅書
能發百函詞人羞布鼓遠客獻貂檐歌榭白團扇舞筵

金縷衫旌旗遙一簇
鵲履近相攬花樹當朱閣
晴河逼翠簾映鏤窺
艷艷隔袖見纖纖
謝傳何由接桓伊
定不凡應憐郡齋
老旦夕鑷霜髯

白太守行

聞有白太守棄官歸舊谿
蘇州十萬戶盡作嬰兒啼
太守駐行舟闔門草萋萋
揮袂謝啼者依然兩眉低
朱戶非不崇我心如重往
華池非不清意在寥廓栖
夸者竊在怪賢者默思齊
我為太守行題在隱起珪

訓樂天揚州初逢席上見贈

巴山楚水淒涼地二十三年棄置身
懷舊空吟聞笛賦到鄉翻似爛柯人
沈舟側畔千帆過病樹前頭萬木春
今日聽君歌一曲暫憑杯酒長精神

同樂天登樓靈寺塔

步步相攜不覺難九層雲外倚闌干
忽然語笑半天上無限遊人舉眼看

罷郡歸洛途次山陽留辭郭中丞使君

自到山陽不許辭高齋日夜有佳期管絃正合看書院
語笑方酬各詠詩銀漢雪晴褰翠幕清淮月影落金卮
洛陽歸客明朝去容赴城東花發時

楚州開元寺北院枸杞臨井繁茂可觀羣賢
賦詩因以繼和

僧房藥樹依寒井井有香泉樹有靈翠儵葉生籠石甃
殷紅子熟照銅瓶枝繁本是仙人杖根老新成瑞犬形
上品功能甘露味還知一勺可延齡

和樂天鸚鵡

養來鸚鵡背初紅宜在朱樓繡戶中頻學喚人緣性慧
偏能識主為情通斂毛睡足難銷日彈翅愁時願見風
誰遣聰明好顏色事須安置入深籠

歲杪將發楚州呈樂天

楚澤雪初霽楚城春欲歸清淮變寒色遠樹含清暉原
野已多思風霜潛減威與君同旅鴈北向刷毛衣

洛中逢白監同話遊梁之樂因寄宣武令狐

相公

曾經謝病各遊梁今日相逢憶孝王少有一身兼將相
更能四面占文章開顏坐內催飛盞回首庭中看舞槍
借問風前兼月下不知何客對胡床

河南王少尹宅燕張常侍白舍人兼呈盧郎
中李員外二副使

將星夜落使星來三省清臣到外臺事重各銜天子詔
禮成同把故人盃捲簾松竹雪初霽滿院池塘春欲迴

第一林亭迎好客殷勤莫惜玉山頽

鶴歎二首 并序

友人白樂天去年罷吳郡挈雙鶴雛以歸余相遇于揚
子津間翫終日翔舞調態一符相書信華亭之尤物也
今年春樂天為祕書監不以鶴隨置之洛陽第一旦予
入門問訊其家人鶴軒然來睨如記相識裒裒俛仰似
含情顧慕填膺而不能言者因作鶴歎以贈樂天
寂寞一雙鶴主人在西京故巢吳苑樹深院洛陽城徐

引竹間步遠舍雲外情誰憐好風月鄰舍夜吹笙

東鄰即王

家

丹頂宜承日霜翎不染泥愛池能久立看月未成棲一
院春草長三山歸路迷主人朝謁早貪養汝南雞

有所嗟二首

庾令樓中初見時武昌春柳似腰肢相逢相笑盡如夢
為雨為雲今不知

鄂渚濛濛烟雨微女郎魂逐暮雲歸只應長在漢陽渡

金匱山房詩集 卷一
化作鴛鴦一隻飛

答樂天臨都驛見贈

北固山邊波浪東，都城裏風塵世事不同心。
事新人何似故人。

再贈樂天

一政政官輒輒一年年，老駸駸身外名何足算。
別來詩且同吟。

和裴相公傍水閒行

為愛逍遙第一篇時時閒步賞風烟看花臨水心無事
功業成來二十年

和宣武令狐相公郡齋對新竹

新竹脩脩韻曉風隔牕依砌尚蒙籠數間素壁初閒後
一段清光入座中教枕閒看知自適含毫朗咏與誰同
此君若欲長相見政事堂東有舊叢

答白刑部聞新蟬

蟬聲未發前已自感流年一入淒涼耳如聞斷續絃晴



清依露葉晚急畏霞天何事秋卿咏逢時亦悄然

和裴相公寄白侍郎求雙鶴

皎皎華亭鶴來隨太守船

白君罷吳郡太守攜雙鶴來

青雲意長在

滄海到經年留滯清洛苑
衰衷明月天何如鳳池上
雙舞入祥烟

和樂天送鶴上裴相公別鶴之作

昨日看成送鶴詩高籠提出白雲司
朱門乍入應迷路
玉樹容樓莫揀枝
雙舞庭中花落處
數聲池上月明時

三山碧海不歸去且向人間呈羽儀

終南秋雪

南嶺見秋雪千門生早寒閒時乘馬望高處卷簾看霧
散瓊枝出日斜鉛粉殘偏宜曲江上倒影入清瀾

闕下待傳點呈諸同舍

禁漏晨鐘聲欲絕旌旗組綬影相交殿舍佳氣當龍首
閭倚晴天見鳳巢山色蔥蘢丹檻外霞光泛艷翠松梢
多慙再入金門籍不敢為文學解嘲

和樂天早寒

雨引苔侵壁風驅葉擁堦久留閒客話宿請老僧齋酒
甕新陳接書籤次第排脩然自有處搖落不傷懷

和樂天以鏡換酒

把取菱花百鍊鏡換他竹葉十旬杯頰眉厭老終難去
蘸甲須歡便到來妍醜太分迷忌諱松喬俱傲絕嫌猜
校量功力相千萬好去從空白玉臺

同樂天送河南馮尹學士

可憐玉馬風流地暫輟金貂侍從才閣上掩書劉向去
門前脩刺孔融來靖陵路靜寒無雨洛水橋長晝起雷
共茂府中棠棣好先於城外百花開

同白二十二贈王山人

愛名之世忘名客多事之時無事身古老相傳見來久
歲年雖變貌常新飛章上達三清路受錄平交五嶽神
笑聽襲襲朝暮鼓只能催得市朝人

題集賢閣

鳳池西畔圖書府玉樹玲瓏景氣閒長聽餘風送天樂
時登高閣望人寰青山雲繞欄干外紫殿香來步武間
曾是先賢翔集地每看壁記一慙顏

杏園花下訓樂天見贈

二十餘年作逐臣歸來還見曲江春遊人莫笑白頭醉
老醉花間有幾人

和令狐相公初歸京國賦詩言懷

凌雲羽翮挾天才揚歷中樞與外臺相印昔辭東閣去

將星還拱北辰來，殿庭捧日影纓入閭道。
看山曳履迴，口不言功心自適。
吟詩釀酒待花開。

曲江春望

鳳城烟雨歇，萬象含佳氣。
酒後人倒狂，花時天似醉。
三春車馬客，一代繁華地。
何事獨傷懷，少年曾得意。

和令狐相公春日尋花有懷白侍郎閣老

芳菲滿雍州，鸞鳳許同遊。
花逕須深入，時光不少留。
色鮮由樹嫩，枝亞為房稠。
靜對仍持酒，高看特上樓。
晴宜

連夜賞雨便一年休共憶秋官處餘霞曲水頭

和樂天南園試小樂

閒步南園烟雨晴遙聞絲竹出牆聲欲拋丹筆三川去
先教清商一部成花木手栽偏有興歌詞自作別生情
多才遇景皆能咏當日人傳滿鳳城

和樂天春詞

新粧粉面下朱樓深鎖春光一院愁行到中庭數花朵
蜻蜓飛上玉搔頭

和嚴給事聞唐昌觀玉蕊花下有游仙二絕
玉女來看玉蕊花異香先引七香車攀枝弄雪時迴顧
驚怪人間日易斜

雪蕊瓊絲滿院春衣輕步步不生塵君平簾下徒相問
長伴吹簫別有人

歎水別白二十二

水至清盡美從一勺至千里利人利物時行時止道性
淨皆然交情淡如此君遊金谷堤上我在石渠署裏兩

心相憶似流波潺湲日夜無窮已

答樂天戲贈

才子聲名白侍郎風流雖老尚難當詩情逸似陶彭澤
齋日多如周太常矻矻將心求淨法時時偷眼看春光
知君技癢思歡讌欲倩天魔破道場

同樂天送令狐相公赴東都留守

自戶部
尚書拜

尚書劍履出明光居守旌旗赴洛陽世上功名兼將相
人間聲價是文章衙門曉闢分天仗賓幕初開辟省郎

從發坡頭向東望春風處處有甘棠

自華陵至河南皆故林也

劉賓客外集卷一

欽定四庫全書

劉賓客外集卷二

唐 劉禹錫 撰

詩

同樂天和微之深春二十首

同用家花
車斜四韻

何處深春好春深萬乘家宮門皆映柳輦路盡穿花池
色連天漢城形象帝車旌旗暖風裏獵獵向西斜

何處深春好春深阿母家瑤池長不夜珠樹正開花橋
峻通星渚樓暄近日車層城十二闕相對日西斜

何處深春好春深執政家恩光貪捧日貴重不看花玉
饌堂交印沙隄柱礙車多門一已閉直道更無斜

何處深春好春深大鎮家前旌光照日後騎感成花節
院收衙隊毬場簇看車廣筵歌舞散書號夕陽斜

何處深春好春深貴戚家樵嘶無價馬庭發有名花欲
進宮人食先薰命婦車晚歸長帶酒冠蓋甚傾斜

何處深春好春深恩澤家爐添龍腦炷綬結虎頭花賓
客珠成履嬰孩錦縛車畫堂簾幕外來去燕飛斜

何處深春好春深京兆家人眉新柳葉馬色醉桃花盜
息無鳴鼓朝迴自走車能令帝城外不敢逕由斜

何處深春好春深刺史家夜闌猶命樂雨甚亦尋花傲
客多憑酒新姬苦上車公門吏散後風擺戟衣斜

何處深春好春深羽客家芝田繞舍色杏樹滿山花雲
是淮王宅風為列子車古壇操簡處一逕入林斜

何處深春好春深小隱家焚庭留野菜撼樹去狂花醉
酒一千日貯書三十車推余從露體不敢有餘斜

何處深春好春深富室家唯多貯金帛不擬負鶯花國
樂呼聯轡行廚載滿車歸來看理曲燈下寶釵斜

何處深春好春深豪士家多沽味濃酒貴買色深花已
臂鷹隨馬連催妓上車城南踏青處村落逐原斜

何處深春好春深貴胄家迎呼偏熟客揀選最多花飲
饌開華幄笙歌出鈿車興酣罇易罄連瀉酒瓶斜

何處深春好春深唱第家名傳一紙榜興管九衢花薦
聽諸侯樂來隨計吏車杏園拋曲處揮袖向風斜

何處深春好春深少婦家能偷新禁曲自剪入時花追
逐同遊伴平章貴價車從來不墮馬故遣髻鬟斜

何處深春好春深幼女家雙鬟梳頂髻兩面綉裙花粧
壞頻臨鏡身輕不占車鞦韆爭次第牽拽綵繩斜

何處深春好春深蘭若家當香收百葉養蜜近梨花野
徑宜行藥遊人盡駐車菜園籬落短遙見桔槔斜

何處深春好春深老宿家小欄圍蕙草高架引藤花四
字香書印三乘壁畫車遲迴聽句偈雙樹晚陰斜

何處深春好春深種蒔家分畦十字水接樹兩般花櫛
比裁籬槿咿啞轉井車可憐高處望綦布不曾斜

何處深春好春深稚子家爭騎一竿竹偷折四鄰花笑
擊羊皮鼓行牽犢領車中庭貪夜戲不覺玉繩斜

刑部白侍郎謝病長告改賓客分司以詩贈

別

鼎食華軒到眼前拂衣高坐豈徒然九霄路上辭朝客
四皓叢中作少年他日卧龍終得雨今朝放鶴且沖天

洛陽舊有衡茆在亦擬抽身伴地仙

遙賀白賓客分司初到洛中戲呈馮尹

西辭望花去東占洛陽才度嶺無歸思看山不懊來冥
鴻何所慕遼鶴乍飛迴洗竹通新逕攜琴上舊臺塵埃
長者轍風月故人杯聞道龍門峻還因上客開

和留守令狐相公答白賓客

蛟龍和風吹樹枝商山逸客出關時身無拘束起長晚
路足交親行自遲官拂象筵終日待私將雞黍幾人期

君來不用飛書報萬戶先從紙貴知

始聞蟬有懷白賓客去歲白有聞蟬見寄詩

云祇應催我老兼遣報君知之句

蟬韻極清切始聞何處悲人舍不平意景值欲秋時此
歲方晚晚誰家無別離君言催我老已是去年詩

憶樂天

尋常相見意殷勤別後思量夢更頻每遇登臨好風景
羨他天性少人情

樂天寄洛下新詩兼喜微之欲到因以抒懷

也

松間風未起萬葉不自吟池上月未來清輝同夕陰宮
徵不獨運塤篪自相尋一從別樂天詩思日已沈吟君
洛中作精絕百鍊金乃知孤鶴情月露為知音微之從
東來威鳳鳴歸林羨君先相見一豁平生心

月夜憶樂天兼寄微之

今宵帝城月一望雪相似遙想洛陽城清光正如此知

君當此夕亦望鏡湖水展轉相憶心月明千萬里

酬鄆州令狐相公官舍言懷見寄兼呈樂天
詞人各在一涯居聲味雖同跡自疎佳句傳音多好事
尺題稀鴈不便書已通戎畧逢黃石仍占星文耀碧虛
聞說朝天在來歲霸陵春色待來車

吟白樂天哭崔兒二篇愴然寄贈

吟君苦調我霑纓能使無情盡有情四望車中心未釋
千秋亭下賦初成庭梧已有雛棲處池鶴今無子和聲

從此期君比瓊樹一枝吹折一枝生

答樂天所寄咏懷且適其枯樹之歎

衙前有樂饌常精宅內連池酒甚傾自是官高無狎客
不論年長少歡情驪龍舍被探珠去老蚌胚還應月生
莫羨三春桃與李桂花成實向秋榮

白侍郎大尹自河南寄示池北新葺水齋即
事招賓十四韻兼命同作

公府有高政新齋池上開再吟佳句後一似畫圖來結

卷二
構疎林下寅緣曲岸隈綠波穿戶牖碧甃疊瓊環幽異
當軒滿清光繞砌迴潭心澄晚鏡渠口起晴雷瑤草綠
堤種松烟上島栽遊魚驚撥刺浴鷺喜毳毼為客烹林
笋因僧採石苔酒餅常不罄書案任成堆簷外青雀舫
坐中鸚鵡杯蒲根抽九節蓮萼捧重臺芳訊此時到勝
遊何日陪共譏吳太守自占洛陽才

赴蘇州酬別樂天

吳郡魚書下紫宸長安廐吏送朱輪二南風化承遺愛

八咏聲名躡後塵梁氏夫妻為寄客陸家兄弟是州民
江城春日追隨處共憶東歸舊主人

贈樂天

一別舊遊盡相逢俱涕零在人雖晚達於樹似冬青痛
飲連宵醉狂吟滿坐聽終期拋印綬共占少微星

福先寺雪中酬別樂天

龍門賓客會龍宮東去旌旗駐上東二八笙歌雲幕下
三千世界雪花中離堂未暗排紅燭別曲含淒颺曉風

才子從今一分散，便將詩咏向吳儂。

醉答樂天

洛城洛城何日歸？故人故人今轉稀。
莫嗟雪裏暫時別，終擬雲間相逐飛。

和樂天耳順吟兼寄敦詩

吟君新什慰蹉跎，屈指同登耳順科。
鄧禹功成三紀事，孔融書就八年多。
已經將相誰能爾，拋却丞郎爭奈何。
獨恨長洲數千里，且隨魚鳥泛烟波。

到郡未浹日登西樓見樂天題詩因即事以

寄

樂天自此郡
謝病西歸

湖上收宿雨城中無盡塵樓依新柳貴池帶亂苔春雲
水正一望簿書來繞身烟波洞庭路愧彼扁舟人

早夏郡中書事

水禽渡殘月飛雨灑高城華堂封嘉樹簾廡舍曉清拂
鏡整危冠振衣步前楹將吏儼成列簿書紛來縈言下
辨曲直筆端破交爭虛懷詢病苦懷律操剽輕聞吏告

無事歸來解簪纓高簾覆朱閣忽坐聞調笙

虎丘寺見元相公二年前題名愴然有詠

前年

滄橋送
之武昌

滄水送君君不還見君題字虎丘山因知早貴兼才子
不得多時在世間

寄贈小樊

花面了頭十三四春來綽約向人時終須買取名春草
處處將來步步隨

憶春草

憶春草處處多情洛陽道金谷園中見日遲銅駝陌上
迎風早河南大尹頻出難只得池塘十步看府門閉後
滿街月幾處遊人草頭歇館娃宮外姑蘇臺鬱鬱芊芊
撥不開無風自偃君知否西子裙裾曾拂來

樂天寄憶舊遊因作報白君以答

報白君別來已渡江南春江南春色何處好燕子雙飛
故官道春城三百七十橋夾岸朱樓隔柳條了頭小兒

蕩畫槳長秋女郎簪翠翹郡齋北軒卷羅幕碧池逶迤
遶畫閣池邊綠竹桃李花花下舞筵鋪彩霞吳娃足情
言語黠越客有酒巾冠斜坐中皆言白太守不負風光
向杯酒酒酣襍戲飛逸韻至今傳在人口報白君相
思空望嵩丘雲其奈錢塘小小憶君淚點石榴裙

白君

在城近自
洛歸錢塘

和白侍郎送令狐相公鎮太原

十萬天兵貂錦衣晉城風日斗生輝行臺僕射深恩重

從事中郎舊路歸，疊鼓聲成汾水浪。
閃旗驚斷塞鴻飛，邊庭自此無烽火。
擁節還來坐翠微。

秋夕不寐寄樂天

洞戶夜簾卷，華堂秋簟清。
螢飛過池影，蛩思遶階聲。
老枕知將雨，高窻報欲明。
何人諳此景，遠問白先生。

冬日晨興寄樂天

庭樹曉禽動，郡樓殘點聲。
燈挑紅燼落，酒暖白光生。
髮少嫌梳利，顏衰恨鏡明。
獨吟誰應和，須寄洛陽城。

酬樂天見寄

元君後輩先零落，崔相同年不少留。華屋坐來能幾日，

夜臺歸去便千秋。背時猶自居三品，

三川吳郎品同

得老終須

卜一丘

投老之日願樂天為鄰

若使吾徒還早達，亦應簫鼓入松

楸

答樂天見憶

興老無期約到來，如等閒偏傷朋友。盡移興子孫間筆

底心，無毒孟前膽不豚。

呼闕反

唯遺憶君夢飛過武牢關。

和樂天誚失婢勝者

把鏡朝猶在添香夜不歸鴛鴦拂瓦去鸚鵡透籠飛不
逐張公子即隨劉武威新知正相樂從此脫青衣

樂天寄重和晚達冬青一篇因成再答

風雲變化饒年少光景蹉跎屬老夫秋隼自能凌汗漫
寒龜飲氣受泥塗東隅有失誰能免北叟之言豈便無
振臂猶堪一呼擲爭知掌下不成盧

河南白尹有喜崔賓客歸洛兼見懷長句因

而繼和

幾年侍從作名臣却向青雲索得身朝士忽為方外士
主人仍是眼中人雙鸞遊處天京好五馬行時海嶠春
遙羨光陰不虛擲肯令絲竹暫生塵

和楊師臯給事傷小姬英英

見學胡琴見藝成今朝追想幾傷情
拋絃花下呈新曲放撥燈前謝改名
但是好花皆易落從來尤物不長生
鸞臺夜直衣衾冷雲雨無因入禁城

和樂天洛下醉吟寄太原令狐相公兼見懷

長句

舊相臨戎非稱意詞人作尹本多情從容自使邊塵靜
談笑不聞桴鼓聲章句新添塞下曲風流舊占洛陽城
昨來亦有吳趨詠惟寄東都與北京

郡齋書懷寄江南白尹兼簡分司崔賓客

謾讀圖書三十車年年為郡老天涯一生不得文章力
百口空為飽煖家綺季衣冠稱鬚面吳公政事副詞華

還思謝病今歸去同醉城東桃李花

訓樂天七月一夜即事見寄

夜樹風韻清天河雲彩輕故花多露草隔城聞鶴鳴搖
落從此始別離含遠情聞君當是夕倚瑟吟商聲外物
豈不足中懷向誰傾秋來念歸去同聽蒿陽笙

題于家公主舊宅

樹滿荒臺葉滿池簫聲一絕草蟲悲鄰家猶學宮人髻
園客爭偷御菓枝馬埕蓬蒿蔽校兔鳳棲烟雨笑愁鴟

何郎獨在無恩澤不似當初傅粉時

吟樂天自問愴然有作

親友關心皆不見風光滿眼倍傷神
洛陽城裏多池館
幾處花開有主人

八月十五日夜半雲開然後翫月因詩一時

之景兼呈樂天

半夜碧雲收中天素月流開城邀好客
置酒賞新秋影
透衣香潤光凝歌黛愁斜輝猶可翫
移宴上西樓

秋日書懷寄白賓客

州遠雄無益年高健亦衰興情逢酒在筋力上樓知蟬
噪芳意盡鴈來愁望時商山紫芝客應不向愁悲

訓樂天見貽賀金紫之什

久學文章舍白鳳却因政事賜金魚郡人未識聞謠詠
天子知名與詔書珍重和詩呈錦繡願言歸計並園廬
舊來詞客多無位金紫同遊誰得如

訓樂天初冬早寒見寄

乍起衣猶冷微吟帽半敝霜凝南至瓦雞唱後園枝落
水碧雲曉吳宮黃葉時雨傳千里意書札不如詩

樂天見示傷微之敦詩晦叔三君子皆有深
分因成是詩以寄

吟君歎逝雙絕句使我傷懷奏短歌世上空驚故人少
集中惟覺祭文多芳林新葉催陳葉流水前波讓後波
萬古到今同此恨聞琴淚盡欲如何

春池泛舟聯句

鳳池新雨後池上好風光

上相公
禹錫

取酒愁春盡留賓喜

日長

度送
戶部

柳絲迎畫舸水鏡寫雕梁

羣送
賈院長

潭洞迷仙

府烟霞認醉鄉

餽送張
司業

鶯聲隨雨語行色入壺觴

籍送
主客

晚景含澄澈時芳得艷陽

禹錫

飛鳧拂輕浪綠柳暗回

塘

度逸韻追安石高居勝辟疆

羣

杯停新令舉詩動綵

牋忙

餽

顧謂同來客歡遊不可忘

籍

杏園聯句

杏園千樹欲隨風一醉同人此暫同

羣上
司空

老態忽忘絲

管裏衰顏宜解酒杯中

絳上白
二十二

曲江日暮殘紅在翰苑

年深舊事空

居易上
主客

二十四年流落者故人相引到花

叢

禹錫

花下醉中聯句

共醉風光地花飛落酒杯

絳送劉
二十八

殘春猶可賞晚景莫

相催

禹錫送
白侍郎

酒幸年年有花應歲歲開

居易送兵
部相公

且當

金韻擲莫遣玉山頽

絳送庾
閻長

高會彌堪惜良時不易陪

承宣送
主客

誰能拉花住爭換得春回

禹錫送
吏部

我輩尋常有

佳人早晚來

嗣復送兵部

寄言三相府欲散且裴回

居易時戶部相

公同會

宴興慶池亭送白二十二東歸聯句

東洛言歸去西園告別來白頭青眼客池上手中杯

度

離瑟殷勤奏仙舟委曲回征輪今欲動賓閣為誰開

禹

錫坐弄瑠璃水行登綠縵堆花低粧焰影萍散酒吹醅

居易岸蔭新抽竹亭香欲變梅隨遊多笑傲遇勝且裴

衷籍澄澈連天鏡潺湲出地雷林塘難共賞鞍馬莫相

催度信及魚還樂機忘鳥不猜晚晴槐起露新暑石添

苔禹錫擬作雲泥別尤思頃刻陪歌停珠貫斷飲罷玉

峯顧居易雖有逍遙志其如磊落才會當重入用此去

肯悠哉籍

西池送白二十二東歸兼寄令狐相公聯句

促坐宴回塘送君歸洛陽彼都留上宰為我說中腸度

威鳳池邊別冥鴻天際翔披雲見居守望日拜封章禹

錫春盡年華少舟通景氣長送行歡共惜寄遠意難忘

籍東道瞻軒蓋西園醉羽觴謝公深眷眄商皓信輝光
行武舊德推三友新篇代八行缺

首夏猶清和聯句

記得謝家詩清和即此時

居易

餘花數種在密葉幾重

垂

度

芳謝人人惜陰成處處宜

禹錫

水萍爭點綴梁燕

共追隨

行武

亂蝶憐疎蕊殘鶯戀好枝

籍

草香殊未歇

雲勢漸多奇

居易

單服初寧體新篁已出籬

度

與春為

別近覺日轉行遲

禹錫

遶樹風光少侵階苔蘚滋

行武

惟思奉歡樂長得在西池

籍

薔薇花聯句

似錦如霞色連春接夏開

禹錫

波紅分影入風好帶香

來

度

得地依東閣當階奉上台

行武

淺深皆有態次第

暗相催

禹錫

滿地愁英落綠堤惜棹迴

度

芳濃濡雨露

明麗隔塵埃

行武

似著燕脂染如經巧婦裁

居易

奈花

無別計只有酒殘杯

籍

西池洛泉聯句

東閣聽泉落能令野興多

行武

散時猶帶沫淙處即跳

波

度徧洗磷磷石還驚泛泛鶯

籍

色清塵不染光白月

相和

居易

噴雪紫絲竹攢珠濺芰荷

禹錫

對吟時合響

觸樹更搖柯

籍

照圃紅分藥侵堦綠浸莎

居易

日斜車

馬散餘韻逐鳴珂

禹錫

和樂天柘枝

柘枝本出楚王家玉面添嬌舞態奢
鬆鬢改梳鸞鳳髻

新衫別織鬪雞紗鼓催殘拍腰身軟汗透羅衣雨點花

畫席曲終辭別去便隨王母上烟霞

和樂天題真娘墓

蒼苔林中黃土堆羅襦繡黛已成灰芳魂雖死人不怕
蔓草逢春花自開幙蓋向風疑舞袖鏡燈臨曉似粧臺
吳王嬌女墳相近一片行雲應往來

劉賓客外集卷二

欽定四庫全書

劉賓客外集卷三

唐 劉禹錫 撰

詩

客有話汴州新政書事寄令狐相公

天下咽喉今大寧
軍城喜氣徹青冥
庭前劒戟朝迎日
筆底文章夜應星
三省壁中題姓字
萬人頭上見儀形
汴州忽復承平事
正月看燈戶不扃

和令狐相公郡齋對紫薇花

明麗碧天霞丰茸紫綬花香聞荀令宅艷入孝王家幾
歲自榮樂高情方歎嗟有人移上苑猶是占年華

令狐相公見示河中楊少尹贈答兼命繼之
兩首新詩百字餘朱絃玉磬韻難如漢家丞相重徵後
梁苑仁風一變初四面諸侯瞻節制八方通貨溢河渠
自從都轂為元帥大將歸來盡把書

和令狐相公謝太原李侍中寄蒲桃

珍果出西域移根到北方昔年隨漢使今日寄梁王上

相芳緘至行臺綺席張魚鱗舍宿潤馬乳帶殘霜染指
鉛粉膩滿喉甘露香醞成十日酒味敵五雲漿咀嚼停
金盞稱嗟響畫堂慙非末至客不得一枝嘗

和令狐相公送趙常盈鍊師與中貴人同拜
嶽及天台投龍畢却赴京師

銀璫謁者引蛺蝶霞帔仙官到赤城白鶴迎來天樂動
金龍擲下海神驚元君伏奏歸中禁武帝親齋禮上清
何事夷門請詩送梁王文字上聲名

令狐相公俯贈篇章斐然仰謝

鄂渚臨流別梁園衝雪來
旅愁隨凍釋歡意待花開
城曉烏頻起池春鴈欲回
飲和心自醉何必管絃催

酬令狐相公贈別

越聲長苦有誰聞
老向湘山與楚雲
海嶠新辭永嘉守
夷門重見信陵君
田園松菊今迷路
霄漢鴛鴻久絕羣
幸遇甘泉尚詞賦
不知何客薦雄文

酬令狐相公寄賀遷拜之什

邐迥二紀重為郎洛下遙分列宿光不見當關呼早起
曾無侍史與焚香三花秀色通春幌十字清波遶宅牆
白首青衫誰比數相憐只是有梁王

相公昔曾以大僚
分司故有同病相

憐之
句

酬令狐相公早秋見寄

公來第四秋樂國號無愁軍士遊書肆商人占酒樓熊
羆交黑貂賓客滿青油今日文章主梁王不姓劉

和令狐相公翫白菊

家家菊盡黃梁國獨如霜瑩靜真琪樹分明對玉堂仙
人披雪氎素女不紅粧粉蝶來難見麻衣拂更香向風
搖羽扇含露滴瓊漿高豔遮銀井繁枝覆象床桂叢慙
並發梅蕊妒先芳一入瑤華詠從茲播樂章

夏日寄宣武令狐相公

長憶梁王逸興多西園花盡興如何近來溽暑侵亭館
應覺清談勝綺羅境入篇章高韻發風穿號令衆心和
承明欲謁先相報願拂朝衣逐曉珂

令狐相公見示贈竹二十韻仍命繼和

高人必愛竹寄興良有以峻節可臨戎虛心宜得士衆
芳信妍媚威鳳難棲止遂於鼙鼓間移植東南美封以
梁國土澆之浚泉水得地色不移凌空勢方起新青排
故葉餘粉籠疎理猶復隔牆藩何因出塵滓茲辰去前
蔽永日勞瞪視槭槭林已成熒熒玉相似親摹起心匠
洗滌在頤指曲直既瞭然孤高何卓爾垂梢覆內屏迸
笋侵前砌妓席拂雲鬢賓階蔭珠履抱琴恣閒翫執卷

堪斜倚露下懸明璫風來韻清徽堅貞貫四侯標格殊
百卉歲晚當自知繁華豈云比古詩無贈竹高唱從此
始一聽清瑤音崢然長在耳

和令狐相公入潼關

寒光照旌節關路曉無塵吏謁前丞相山迎舊主人東
瞻軍府靜西望勅書頻心共黃河水同昇天漢津

和令狐相公尋白閣老見留小飲因贈

傲士更逢酒樂天仍對花文章管星歷情興占年華宦

達觀思退名高却不誇
惟存浩然氣相共賞烟霞

酬令狐相公雪中遊玄都見憶

好雪動高情
心期在玉京
人披鶴氅出
馬踏象筵行
照耀樓臺變
淋漓松桂清
玄都留五字
使入步虛聲

和令狐相公以司空裴相見招南亭看雪四

韻

重門不下關
樞務有餘閒
上客同看雪
高亭盡見山
瑞呈霄漢外
興入笑言間
知是平陽會
人人帶酒還

和令狐相公別牡丹

平章宅裏一欄花
臨到開時不在家
莫道兩京非遠別
春明門外即天涯

酬令狐留守巡內至集賢院見寄

仙院文房隔舊宮
當時盛事盡成空
墨池半在頽垣下
書帶猶生蔓草中
巡內因經九重苑
裁詩又繼二南風
為兄手寫殷勤句
遍歷三台各一通

和鄆州令狐相公春晚對花

朱門退公後高興對花枝望闕無窮思看書欲盡時舍
芳朝競發凝艷晚相宜人意殷勤惜狂風豈得知

酬令狐相公春日言懷見寄

前陪看花處鄰里近王昌今想臨戎地旌旗出汶陽營
飛柳絮雪門耀戟枝霜東望清河水心隨艣上郎

和令狐相公言懷寄河中楊少尹

章句慙非第一流世間才子暗陪遊吳宮已歎芙蓉死

張司業詩云吳宮四面秋
江水平清露白芙蓉死

邊月空悲蘆管秋

李尚書

任向

洛陽稱傲吏

分司白
賓客

苦教河上領諸侯

天平
相公

石渠甘對

圖書老闕外楊公安穩不

遙和令狐相公坐中聞思帝鄉有感

當初造曲者為誰說得思鄉戀闕時
滄海西頭舊丞相
停杯處分不須吹

酬令狐相公見寄

羣玉山頭住四年每聞笙鶴看諸仙
何時得把浮丘袖
白日將昇第九天

途次大梁雪中奉天平令狐相公書問兼示
新什因思曩歲從此拜辭形於短篇以申

仰謝

遠守宦情薄故人書信來共魯花下別今獨雪中回紙
尾得新什眉頭還暫開此時同鴈鷺池上一徘徊

令狐相公自天平移鎮太原以詩申賀

相公
昔為

并州
從事

北都留守將天兵出入香街宿禁扃鼙鼓夜聞驚朔鴈

旌旗曉動拂參星
孔璋舊檄家家有
叔度新歌處處聽
夷落遙知真漢相
爭來屈膝看儀形

重酬前寄

邊烽寂寂盡收兵
宮樹蒼蒼靜掩扃
戎羯歸心如內地
天狼無角比凡星
新成麗句開緘後
便入清歌滿坐聽
吳苑晉祠遙望處
可憐南北太相形

酬令狐相公秋懷見寄

寂寞蟬聲靜
差池燕羽回
秋鄰多越絕
朔氣想臺駘
相

去數千里無因同一杯殷勤望飛鴈新自塞垣來

酬令狐相公六言見寄

已嗟離別太遠更被光陰苦催吳苑燕辭人去汾川鴈
帶書來愁吟月落猶望憶夢天明未回今日便令歌者
唱兄詩送一杯

令狐相公自太原累示新詩因以酬寄

飛蓬卷盡塞雲寒戰馬閒嘶漢地寬萬里冰天無警急
一籠烽火報平安燈前妓樂留賓燕雪後山河出獵看

珍重新詩遠相寄風情不似四登壇

酬太原令狐相公見寄

書信來天外瓊瑤滿匣中衣冠南渡遠旌節北門雄鶴
唳華亭月馬嘶榆塞風山川幾千里惟有兩心同

酬令狐相公歲暮遠懷見寄

別侶孤鶴怨沖天威鳳歸容光一以間夢想是耶非芳
訊遠彌重知音老更稀不如湖上鴈北向整毛衣

酬令狐相公親仁郭家花下即事見寄

荀令園林好山公遊賞頻豈無花下侶遠望眼中人斜
日漸移影落英紛委塵一吟相思曲惆悵江南春

酬令狐相公首夏閒居書懷見寄

蕙草芳未歇綠槐陰已成金壘唯獨酌瑤瑟有離聲翔
泳各殊勢篇章空寄情應憐三十載未變使君名

貞元
中自

郎官出守至
今三十一年

酬令狐相公庭前白菊花謝偶書所懷見寄
數叢如雪色一旦冒霜開寒蕊差池落清香斷續來思

金方尺屋公言
卷三
深舍別怨芳謝惜年催千里難同賞看看又早梅

酬令狐相公季冬南郊宿齋見寄

壇下雪初霽南城凍欲生齋心祠上帝高步領名卿沐
浴舍芳澤周旋聽佩聲猶憐廣平守寂寞竟何成

貞元中侍郎舅氏牧華州時余再忝科第前
後由華覲謁陪登伏毒寺屢焉亦曾賦詩
題於梁棟今典馮翊暇日登樓南望三峰
浩然生思追想昔年之事因成篇題舊寺

曾作關中客，頻經伏毒巖。
晴烟沙苑樹，晚日渭川帆。
昔是青春貌，今悲白雪髯。
郡樓空一望，含意卷高簾。

酬令狐相公杏花園下飲有懷見寄

年年曲江望，花發即經過。
未飲心先醉，臨風思倍多。
三春看又盡，兩地欲如何。
日望長安道，空成勞者歌。

和令狐相公春早朝回鹽鐵使院中作

柳動御溝清，威遲堤上行。
城隅日未過，山色雨初晴。
鶯避傳呼起，花臨府署明。
簿書盈几案，要自有高情。

令狐相公見示題洋州崔侍郎宅雙木瓜花
頃接侍郎同舍陪宴樹下吟翫來什輒成

和章

金牛蜀路遠玉樹帝城春榮耀生華館逢迎欠主人
簾前疑小雪牆外麗行塵來去皆回首情深是德鄰

和令狐僕射相公題龍回寺

茲地回鑒日皇家禪聖時路無胡馬跡人識漢官儀
天子旌旗度法王龍象隨知懷去家歎經此益遲遲

相公
家本

咸陽有喬木之思

和令狐相公晚泛漢江書懷寄洋州崔侍郎

閬州高舍人二曹長

雨過遠山出江澄暮霞生因浮濟川舟遂作適野行郊
樹映縱騎水禽避紅旌田夫捐畚鍤織婦窺柴荆古岸
夏花發遙林晚蟬清沿洄方翫境鼓角已登城部內有
良牧望中寄深情臨觴念佳期泛瑟動離聲寂寞一病
士夙昔接羣英多謝謫仙侶幾時還玉京

酬令狐相公使宅別齋初栽桂樹見懷之作
清淮南岸家山樹黑水東邊第一栽影近畫梁迎曉日
香隨綠酒入金杯根留本土依江潤葉起寒稜映月開
早晚陰成比梧竹九霄還放綵鵬來

令狐相公頻示新什早春南望遐想漢中因
抒短章以寄情悵

軍城臨漢水旌旆起春風遠思見江草歸心看塞鴻野
花沿古道新葉映行宮惟有詩兼酒朝朝兩不同

酬令狐相公見寄

才兼文武播雄名，遺愛芳塵滿洛城。
身在行臺為僕射，書來角里訪先生。
閒遊占得高山色，醉臥高聽洛水聲。
千里相思難命駕，七言詩裏寄深情。

令狐相公春思見寄

一紙書封四句詩，芳晨對酒遠相思。
長吟盡日西南望，猶及殘春花落時。

令狐相公見示新栽蕙蘭二草之什兼命同

作

上國庭前草移來漢水潯
朱門雖易地玉樹有餘陰
豔彩凝還泛清香絕復尋
光華童子佩柔軟美人心
惜晚舍遠思賞幽空獨吟
寄言知音者一奏風中琴

和令狐相公南齋小燕聽阮咸

陋巷久蕪沈四絃有遺音
雅聲發蘭室遠思含竹林
座絕衆賓語庭移芳樹陰
飛觴助真氣寂聽無流心
影似白團扇調諧朱絃琴
一毫不平意幽怨古猶今

和令狐相公詠梔子花

蜀國花已盡，越桃今已開。
色凝瓊樹倚，香似玉京來。
且賞同心處，那憂別葉催。
佳人如擬詠，何必待寒梅。

酬令狐相公新蟬見寄

相去三千里，聞蟬同此時。
清吟曉露葉，愁噪夕陽枝。
忽爾絃斷絕，俄聞管參差。
洛橋碧雲晚，西望佳人期。

和令狐相公九日對黃白二菊花見懷

素萼迎寒秀，金英帶露香。
繁華照旄旌，榮盛對銀黃。
琤

壁交輝映衣裳雜彩章晴雲遙蓋覆秋蝶近悠揚空想
逢九日何由陪一觴滿叢佳色在未肯委嚴霜

城內花園頗曾遊翫令君居守亦有素期適
春霜一夕委謝書實以答令狐相公見譔
樓下芳園最占春年年結侶採花頻繁霜一夜相撩治
不似佳人似老人

令狐僕射與余投分素深縱山川阻峭然音
問相繼今年十一月僕射疾不起聞予已

承訃書寢門長慟後日有使者兩輩持書
并詩計其日時已是卧疾手筆盈幅翰墨
尚新詞一篇音韻彌切收淚握管以成報
章雖廣陵之絃於今絕矣而蓋泉之感猶
庶聞焉焚之總悵之前附于舊編之末

前日寢門慟至今悲有餘已嗟萬花盡方見八行書滿
紙傳相憶裁詩怨索居危絃音有絕哀玉韻由虛忽歎
幽明異俄驚歲月除文章雖不朽精鬼竟焉如零淚霑

青簡傷心見素車淒涼從此後無復望雙魚



劉賓客外集卷三

欽定四庫全書

集部

劉賓客外集卷四至

六

詳校官監察御史

臣 邱文愷

檢討臣何思鈞覆勘

總校官進士

臣 繆琪

校對官主事

臣 龔敬身

謄錄監生

臣 畢所誨

欽定四庫全書

劉賓客外集卷四

唐 劉禹錫 撰

詩

郡內書情獻裴侍中留守

功成頻獻乞身章
擺落襄陽鎮洛陽
萬乘旌旗分一半
八方風雨會中央
兵符今奉黃公畧
書殿曾隨翠鳳翔
心寄華亭一雙鶴
日陪高步繞池塘

謝樂天聞卧見寄

散誕向陽眠將閑敵地仙詩情茶助爽藥力酒能宣風
碎竹間日露明池底天同年未同隱緣乞買山錢

訓樂天小亭寒夜有懷

寒夜陰雲起疎林宿鳥驚斜風閃燈影迸雪打窻聲竟
夕不能寐同年知此情漢皇無奈老何況本書生

奉和裴晉公涼風亭睡覺

驪龍睡後珠元在仙鶴行時步又輕方寸瑩然無一事
水聲來似玉琴聲

和樂天閒園獨賞八韻前以蜂鶴拙句寄呈

今辱蝸蟻妍詞見答因成小巧以取大咍
永日無人事芳園注興行陶廬樹可愛潘宅雨新晴傳
粉琅玕節薰香茁茁莖榴花裙色好桐子藥圓成柳蠹
枝偏亞桑閒葉再生睢盱欲鬪雀索漠不言鶯動植隨
四氣飛沈舍五情槍榆與水擊小大強為名

訓樂天衫酒見寄

酒法衆傳吳米好舞衣偏向越羅輕動搖浮蟻香濃甚

卷四
裝束輕鴻意態生
閱曲定知能自適
舉杯應歎不同傾
終朝相憶終年別
對景臨風無限情

兩何如詩謝裴令公贈別二首

一言一顧重重何
如今日陪遊清洛苑
昔年別入承明廬

一東一西別別何
如終期大冶再鎔鍊
願託扶搖翔碧虛

將之官留辭裴令公留守

祖帳臨伊水前旌指渭河風烟里數少雲雨別情多重
疊受恩久邐迤如命何東山與東閣終異再經過

訓喜相遇同州與樂天替代

舊託松心契新交竹使符行年同甲子筋力羨丁夫別
後詩成帙攜來酒滿壺今朝停五馬不獨為羅敷

前章所言

春草白君之舞
妓也故有此答

奉和裴令公新成綠野堂即書

藹藹鼎門外澄澄洛水灣堂皇臨綠野坐卧看青山位

金八八八
卷四
極却忘貴功成欲愛閒官名思管籥心術去機關禁苑
凌晨出園花及露攀池塘魚拔刺竹逕鳥綿蠻志在安
瀟灑嘗經歷險艱高情方造適衆意望微還好客交珠
履華筵舞玉顏無因隨賀燕翔集畫梁間

自左馮歸洛下訓樂天兼呈裴令公

新恩通籍在龍樓分務神都近舊丘自有園公紫芝侶
時賓行四人
盡在洛中
仍追少傅赤松遊華林霜葉紅霞晚伊水

晴光碧玉秋更接東山文酒會始知江左未風流

王儉
云江

左風流宰相
唯有謝安

秋齋獨坐寄樂天兼呈吳方之大夫

空齋寂寂不生塵
藥物方書繞病身
纖草數莖勝靜地
幽禽忽至似佳賓
世間憂喜雖無定
釋氏銷磨盡有因
同向洛陽閒度日
莫教風景屬他人

和樂天齋戒月滿夜對道場偶懷詠

常脩清靜去繁華
人識王城長者家
案上香烟鋪貝葉
佛前燈焰透蓮花
持齋已滿招閑客
理曲先聞命小娃

明日若過方丈室還應問為法來耶

吳方之見示獨酌小醉首篇樂天續有訓答
皆含戲謔極至風流兩篇之中並蒙見屬
輒呈濫吹益美來章

閒門共寂任張羅靜室同虛養太和塵世歡娛開意少
醉鄉風景獨遊多散金疎傳尋常樂枕麴劉生取次歌
計會雪中爭挈榼裘鶴氅遞相過

訓樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多狂態
事佛無妨有佞名酒力半酣愁已散文鋒未鈍老猶爭
平陽不獨容賓醉聽取喧呼吏舍聲

訓樂天偶題酒瓮見寄

從君勇斷拋名後世路榮枯見幾回門外紅塵人自走
甕頭清酒我初開三冬學任曾中有萬戶侯須骨上來
何幸相招同醉處洛陽城裏好池臺

答裴令公雪中訝白二十二與諸公不相訪

之什

玉樹瓊樓滿眼新的知開閤待諸賓遲遲未去非無意
擬作梁園坐右人

訓樂天請裴令公開春加宴

高名大位能兼有恣意遨遊是特恩二室烟霞成步障
三州風物是家園晨窺苑樹韶光動晚度河橋春思繁
絃管常調客常滿但逢花處即開樽

樂天示過敷詩舊宅有感一篇吟之泣然追

想昔事因成繼和以寄苦懷

淒涼同到故人居門枕寒流古木疎向秀心中嗟棟宇
蕭何身後散圖書本營歸計非無意唯算生涯尚有餘
忽憶前因更惆悵丁寧相約速懸車

敦詩與子及樂天
三人同甲子平生

相約同
休洛中

吳方之見示聽江西故吏朱幼恭歌三篇頗
有懷故林之思吟諷不足因而和之

侯家故吏歌聲發逸處能高怨處低今歲洛中無雨雪

金分
卷四
眼前風景是江西

閒坐憶樂天以詩問酒熟未

案頭開縹帙肘後檢青囊唯有達生理應無治老方減
書存眼力省事養心王君酒何時熟相攜入醉鄉

和樂天洛城春齊梁體八韻

帝城宜春入遊人喜意長草生季倫谷花出莫愁坊斷
雲發山色輕風漾水光樓前戲馬地樹下鬪雞場白頭
自為侶綠酒亦滿觴潘園觀種植謝墅閱池塘至門似

隱逸過老不悲傷相問焉功德銀黃遊故鄉

三月三日與樂天及河南李尹奉陪裴令公
泛洛禊飲各賦十二韻

洛下今脩禊羣賢勝會稽盛筵陪玉鉉通籍盡金闥波
上神仙妓岸傍桃李蹊水嬉如鷺振歌響雜鶯啼歷覽
風光好沿洄意思迷棹歌能儷曲墨客競分題翠幄連
雲起香車向道齊人誇綾步障馬惜錦障泥塵暗宮牆
外霞明苑樹西舟形隨鷁轉橋影與虹低川色晴猶遠

烏聲暮欲棲唯餘踏青伴待月魏王堤

寄和東川楊尚書慕巢兼寄西川繼之二公

近從弟兄情分偏睦早忝遊舊因成是詩

太華蓮峯降嶽靈兩川棠樹接郊坰政同兄弟人人樂
曲奏埙篴處處聽楊葉百穿榮會府芝泥五色耀天庭
各拋筆硯誇旄鉞莫遣文星讓將星

秋中暑退贈樂天

暑服宜秋著清琴入夜彈人情皆向菊風意欲摧蘭歲

稔貧心泰天涼病體安相逢取次第却甚少年歡

和樂天洛中雪中宴集寄汴州李尚書

洛城無事足杯盤風雪相和歲欲闌樹上因依見寒鳥
坐中收拾盡閒官笙歌要請頻何爽笑語忘機拙更歡
遙想兔園今日會瓊林滿眼映旂竿

喜遇劉二十八偶書兩韻聯句

病來佳興少老去舊遊稀笑語縱橫作盃觴絡繹飛
清談如水玉逸韻貫珠璣高位當金鉉虛懷似布衣

禹

錫已榮狂取樂仍任醉忘機捨眷將何適留歡便是歸
居易鳳儀常欲附蛟力自知微願假樽壘末膺門自此

依紳

劉二十八自汝赴左馮塗經洛中相見聯句

不歸丹掖去銅竹漫云云唯喜因過我須知未賀君

度

詩聞安石詠香見令公熏欲首丞關路來披縠嶺雲

居

易貂蟬公獨步鴛鴦我同羣插羽先飛酒交鋒便戰文

紳鎮嵩知表德定鼎為銘勲顧鄙容商洛徵歡候汝墳

禹錫頻年多難浪此夕任喧紛故態猶應在行期未要
聞度游藩榮已久捧袂惜將分詎厭杯行疾唯愁日向
曛居易窮陰初莽蒼離思漸氤氲殘雪午橋岸斜陽伊
水濱紳上謨尊右掖全畧靜東軍萬頃徒稱量滄溟詎
有垠禹錫

予自到洛中與樂天為文酒之會時時構詠
樂不可支則慨然共憶夢得而夢得亦分
司至止歡愜可知因為聯句

成周文酒會吾友勝鄒枚唯憶劉夫子而今又到來度

欲迎先倒屣亦坐便傾盃飲許伯倫右詩推公幹才

並以

本事居易久曾吟郢唱重喜上燕臺晝話牆陰轉宵歡斗柄

迴禹錫新聲還共聽故態復相吟遇物皆先賞從花半

未開度起時烏帽側散處玉山頽墨客誼東閣文星犯

上台居易詠吟君稱首疎放我為魁憶戴何勞訪

隨夢得

得分司而來留髡不用猜

宴席上老夫暫起樂天密坐不動足

奉觴承麴蘖落

筆捧瓊瑰醉并無妨側詞鋒不可摧

此兩韻美令公也居易

水軒

看翡翠石徑踐莓苔童子能騎竹佳人解詠梅

陪遊南宅之境

禹錫洛中三可矣鄴下七悠哉自向風光急不須絃管催

度樂觀魚踴躍閒愛鶴裊裊烟柳青凝黛波萍綠撥醅

居易春榆初改火律管又飛灰紅藥多遲發碧松宜亂

栽禹錫馬嘶馳陌上鷁泛鳳城隈色色時堪惜步步病

莫推度涸流尋軋軋餘刃轉恢恢從此知心伏無因敢

自媒禹錫室隨親客入席許舊寮陪逸興嵇將阮交情

陳與雷

此二句屬夢得也居易

洪爐思哲匠大厦要羣材佗日登

龍路應知免曝鰓

尚錫

洛中早春贈樂天

漠漠復靄靄半晴將半陰
春來自何處無迹日以深
韶嫩水後木輕盈烟際林
藤生欲有託柳弱不自任
花意已含蓄鳥言尚沈吟
期君當此時與我恣追尋
翻愁闌漫後春暮却傷心

和樂天讌李周美中丞宅池上賞櫻桃花

櫻桃千萬枝照耀如雪天
王孫讌其下隔水疑神仙
宿

露發清香初陽動暄妍妖姬滿鬢插酒客折枝傳同此
賞芳月幾人有華筵杯行勿遽辭好醉逸三年

和牛相公遊南莊醉後寓言戲贈樂天兼見

示

城外園林初夏天就中野趣在西偏薔薇亂發多臨水
鷗鵲雙遊不避船水底遠山雲似雪橋邊平岸草如烟
白家唯有孟觴興欲把頭盤打少年

思黯南墅賞牡丹花

偶然相遇人間世
合在增城何姥家有此傾城好顏色
天教晚發賽諸花

樂天少傅五月長齋廣延緇徒謝絕文友坐
成睽間因以戲之

五月長齋戒深居
絕送迎不離通德里便是法王城
舉目皆僧事全家少俗情
精脩無上道結念未來生
賓閣緇衣占書堂信鼓鳴戲童為塔象啼鳥學經聲
黍用青菰角葵承玉露烹馬家供薏苡劉氏餉蕪菁
暗網籠歌

扇流塵晦酒鐺不知何次道作佛幾時成

樂天池館夏景方妍白蓮初開綵舟空泊唯

邀緇侶因以戲之

池館今正好主人何寂然白蓮方出水碧樹未鳴蟬靜
室宵聞磬齋厨晚絕烟蕃僧如共載應不是神仙

訓樂天晚夏閑居欲相訪先以詩見貽

池榭堪臨泛脩然散鬱陶步因驅鶴緩吟為聽蟬高林
密添新竹枝低緹晚桃酒醅晴易熟藥圃夏頻薈老是

班行舊閒為鄉里豪經過更何處風景屬吾曹

訓樂天感秋涼見寄

庭晚初辨色林秋微有聲
槿衰猶強笑蓮迴却多情
簷燕歸心動鵲驚俊氣生
閑人占閒景酒熟且同傾

樂天以愚相訪沽酒致歡因成七言聊以奉
答

少年曾醉酒旗下同輩黃衣領亦黃
蹴踏青雲尋入仕蕭條白髮且飛觴
令徵古事歡生雅客喚閒人興任狂

猶勝獨居荒草院蟬聲聽盡到寒蟬

秋晚新晴夜月如練有懷樂天

雨歇晚霞明風調夜景清月高微暈散雲薄細鱗生露
草百蟲思秋林千葉聲相望一步地脈脈萬重情

和思黯南莊見示

丞相新家伊水頭智囊心匠日增脩化成池沼無痕跡
奔走清波不自由臺上看山徐舉酒潭中見月慢回舟
從來天下推尤物合屬人間第一流

同留守王僕射各賦春中一物從一韻至七
鶯能語多情春將半天欲明始逢南陌復集東城林疎
時見影花密但聞聲營中綠催短笛樓上來定哀箏千
門萬戶垂楊裏百轉如簧烟景晴

和樂天春詞依憶江南曲拍為句

春去也多謝洛城人弱柳從風疑舉袂叢蘭裊露似霑
巾獨坐亦含嚬

謝樂天聞新蟬見贈

碧樹有蟬後烟雲改容光瑟然引秋氣芳草日夜黃夾
道喧古槐臨池思垂楊離人下憶淚忠士激剛腸昔聞
阻山川今聽同匡牀人情便所遇音韻豈殊常因之比
笙竽送我遊醉鄉

新秋對月寄樂天

月露發光彩此時方見秋夜涼金氣應天靜火星流蛩
響偏依井螢飛直過樓相知盡白首清景復追遊

訓樂天小臺晚坐見憶

卷四
小臺堪遠望，獨上清秋時。
有酒無人勸，看山祇自知。
幽禽轉新竹，孤蓮落靜池。
高門勿遽掩，好客無前期。

早秋雨後寄樂天

夜雲起河漢，朝雨洒高林。
梧葉先風落，草蟲迎濕吟。
簾涼扇恩薄，室靜琴思深。
且喜炎前別，安能懷寸陰。

和樂天秋涼閒卧

暑退人體輕，雨餘天色改。
荷珠貫索斷，竹粉殘粧在。
高僧掃室請，逸客登樓待。
槐柳漸蕭疎，閒門少光彩。

秋晚病中樂天以詩見問力疾奉酬

耳虛多聽遠展轉晨雞鳴一室背燈卧中夜掃葉聲蘭
芳經雨敗鶴病得秋輕肯踏衡門草唯應是友生

和樂天燒藥不成命酒獨醉

九轉欲成就百神應主持鶯啼鼎上去老貌鏡中悲却
顧空丹竈回心向酒卮醺然耳熱後暫似少年時

訓樂天詠老見示

人誰不願老老去有誰憐身瘦帶頻減髮稀冠自偏廢

書緣惜眼多矣為隨年經事還諳事閱人如閱川細思
皆幸矣下此便脩然莫道桑榆晚為霞尚滿天

歲夜詠懷

彌年不得意新歲又如何念昔同遊者而今有幾多以
閒為自在將壽補蹉跎春色無新故幽居亦見過

元日樂天見過因舉酒為賀

漸入有年數喜逢新歲來震方天籟動寅位帝車回門
卷掃殘雪林園驚早梅與君同甲子壽酒讓先杯

裴令公見示訓樂天寄奴買馬絕句斐然仰
和且戲樂天

常奴安得似方回爭望追風絕足來若把翠娥酬綠耳
始知天下有奇才

訓思黯代書見戲

官冷如漿病滿身凌寒不易過天津少年留守多情興
請待花時作主人

訓思黯見示小飲四韻

拋却人間第一官俗情驚怪我方安
兵符相印無心戀
洛水嵩雲恣意看
三足鼎中知味久
百尋竿上擲身難
追呼故舊連宵飲
直到天明興未闌

訓樂天醉後狂吟十韻

來章有移家
惟醉和之句

散誕人間樂逍遙
地上仙詩家登逸品
釋氏悟真筌
制誥留臺閣
歌詞入管絃
處身於木鴈
任世變桑田
吏隱情兼遂
儒玄道兩全
八關齊適罷
三雅興尤偏
文墨中年舊
松筠晚歲堅
魚書曾替代
香火有因緣

陸法和云
與梁元帝

於空王寺佛前
訂香火因緣

欲向醉鄉去猶為色界牽好吹楊柳曲

為我舞金鈿

訓牛相公獨飲偶醉寓言見示

宮漏夜丁丁千門閉霜月華堂列紅燭絲管靜中發歌
眉低有思舞體輕無骨主人啓醅顏酣暢浹映髮猶思
城外客阡陌不可越春意日夕深此歡無斷絕

和僕射牛相公春日閒坐見懷

官曹崇重難頻入第宅清閒且獨行階蟻相逢如偶語

園蜂速去恐違程人於紅藥惟看色鶯到垂楊不惜聲
東洛池臺怨拋擲移文非久會應成

牛相公見示新什謹依本韻次用以抒下情

劇韻新篇至因難始有能雨天龍變化晴日鳳騫騰遊
海驚何極聞韶素不魯愜心時拊髀擊節自麾肱符彩
添俞墨波瀾起剡藤揀金光熠熠累壁勢層層珠媚多
藏賈花撩欲定僧封來真寶物寄與媿文朋已老無時
疾時洛中時癘多傷少年長貧望歲登崔羅秋寂寂蟲翅曉薨薨

羸驥方辭絆虛舟已絕絙榮華甘死別健羨亦生憎玉
柱琤琤韻金觥電凸稜何時良宴會促膝對華燈

秋霖即事聯句三十韻

蕭索窮秋月蒼茫苦雨天泄雲生棟上行潦入庭前

居易

送僕射

苔色侵三徑波聲想五絃井蛙爭入戶轍鮒亂歸

泉

起送上中丞大監

高雷愁晨坐空階警夜眠鶴鳴猶未已蟻

穴亦頻遷

禹錫送上少傅侍郎

散漫疎還密空濛斷又連竹霑青

玉潤荷滴白珠圓

居易

地濕灰蛾滅池添水馬憐有苗

雷霆震無月弄潺湲

起

籬菊潛開秀園蔬已罷鮮斷行

隨鴈翅孤嘯聳鳶肩

禹錫

橋柱黏黃菌牆衣點綠錢草

荒行藥路沙淀釣魚船

居易

長者車猶阻高人榻且懸

此思劉台之來也

金烏何日見玉爵幾時傳

起

近井桐先落當

簷石欲穿趨風誠有戀披霧邈無緣

禹錫以答懸榻之名

廩米陳

生醖庖薪濕起烟鳴鷄潛起曉急景暗彫年

居易

蓋洒

高松上絲繁細柳邊拂叢時起蝶墜葉乍驚蟬

起

巾角

皆爭墊裙裾別似前人多蒙翠被馬盡著連乾

禹錫

好

客無來者貧家但悄然寒泥印鶴跡漏壁絡蝸涎
居易
蚊聚雷侵室鷗翻浪滿川上樓愁冪冪遶舍厭濺濺
起
律候今秋矣歡娛久曠焉但令高興在晴後奉周旋
禹
錫

喜晴聯句

苦雨晴何喜喜於未雨時氣收雲物變聲樂鳥鳥知
居易

送上送 蕙泛光風圃蘭開皎月池千峯分遠近九陌好追
僕射

隨 起送上 尚書 白日開天路玄陰卷地維餘清在林薄新照

入漣漪

禹錫

碧樹涼先落青蕪濕更滋
睨毛經浴鶴曳

尾出泥龜

居易

舞去商羊速飛來野馬遲
柱邊無潤礎

臺上有遊絲

起

橋淨行塵息堤長禁柳垂
宮城開睥睨

觀闕麗杳愚

禹錫

洛水澄清鎮嵩烟展翠帷
梁成虹乍

見市散蟻初移

居易

藉草風猶暖攀條露已晞
屋穿添

碧瓦牆缺台金縷

起

迴澈來雙目昏煩去四支
霞文晚

煥爛星彩夕參差

禹錫

爽助門庭肅寒摧草木衰
黃乾

向陽菊紅洗得霜梨

居易

假蓋閑誰惜彈絃燥更悲
散

蹄良馬穩炙背野人宜

起

洞戶晨輝入空庭宿霧披推

牀出書目傾筍上衣櫪

禹錫

道路行非阻軒居望可期

無辭訪圭竇且願見瓊枝

居易

山閣蓬萊客

古以祕書喻蓬萊

儲宮羽翼師

此言少傳

每優陪麗句何暇覲英姿

起以酬圭竇之言

翫景方搔首懷人尚斂眉因吟仲文什高興盡於斯

禹

錫

會昌春連宴即事

元年寒食日上巳暮春天雞黍三家會鶯花二節連

居

易
光風初淡蕩美景漸暄妍簪組蘭亭上車輿曲水邊

禹錫

松聲添奏樂草色助鋪筵雀舫宜閒泛螺杯任漫

傳

起

園蔬香帶露廚柳暗藏烟麗句輕珠玉清談勝管

絃

居易

陌喧金距鬪樹動綵繩懸姹女粧梳豔遊童衣

服鮮

禹錫

圓香知種蕙池暖憶開蓮怪石雲疑觸夭桃

火欲燃

起

正歡唯恐散雖醉未思眠嘯傲人間世追隨

地上仙

居易

燕來雙涎涎鴈去累翩翩行樂真吾事尋

芳獨我先

禹錫

滯周慙太史

太史公留滯周南
今榮示慙古人矣

入洛繼

先賢

此言劉白聲價與二陸爭長矣

昔恨多分手今歡謬比肩

起病猶

陪讌飲老更奉周旋望重青雲客情深白首年

居易遍

嘗珍饌後許入畫堂前舞袖翻紅炬歌鬟插寶蟬

禹錫

斷金多感激倚玉貴遷延說史吞顏注論詩笑鄭箋

起

松筠寒不變膠漆冷彌堅興伴王尋戴

謂隨僕射過尚書也

榮同

隗在燕

居易自謂

擲盧誇使氣刺燭闢成篇實藝皆三捷虛

名愧六聯

禹錫

興闌猶舉白話靜每思玄更說歸時好

亭亭月正圓

起

僕射來示有三春向晚四者難并之說誠哉
是言輒引起題重為聯句疲兵再戰勦敵
難降下筆之時輟然自哂走呈僕射兼簡

尚書

三春今向晚四者昔難并借問低眉坐何如攜手行

居

易舊遊多過隙新宴且尋盟鸚鵡林須樂麒麟閣未成

起分陰當愛惜遲景好逢迎林野薰風起樓臺穀雨晴

禹錫牆低山半出池廣水初平橋轉長虹曲舟回小鷁

輕

居易

殘花猶布繡密竹自聞笙欲過芳菲節難忘宴

慰情

起

月輪行似箭時物勢如傾見鴈隨兄去聽鶯來

友聲

禹錫

蕙長書帶展菰嫩剪刀生坐密衣裳暖堂虛

絲管清

居易

峯巒侵碧落草木近朱明與點非沂水陪

膺是洛城

白嘗為三川守故云起

撥醅爭綠醕卧酪待朱櫻幾處

能留客何人喚解醒

禹錫

舊儀尊右揆新命寵春卿有

喜鵲頻語無機鷗不驚

居易

青林思小隱白雪仰芳名

訪舊殊千里登高賴九城

起

鄼侯司管鑰疎傳傲簪纓

綸綍曾同掌烟霄即上征

禹錫

冊庭嘗接武書殿忝連

衡蘭室春彌馥松心晚更貞

居易

琴招翠羽下釣掣紫

鱗呈只願回烏景誰能避兕觥

起

方知醉兀兀應勝走

營營鳳閣鸞臺路從他年少爭

居易更呈二公

樂天是月長齋鄙夫此時愁卧里閭非遠雲

霧難披因以寄懷遂為聯句所期解悶焉

敢驚禪

五月長齋月文心苦行心蘭蔥不入戶蒼筤自成林

夢

得
護戒先辭酒嫌喧亦徹琴塵埃賓位靜香火道場深

樂天

我靜馴狂象餐餘施衆禽定知於佛佞豈復向書

淫

夢得

欄藥凋紅豔庭槐換綠陰風光徒滿目雲霧未

披襟

樂天

樹為清涼倚池因盥漱臨蘋芳遭燕拂蓮圻

待蜂尋

夢得

舍下環流水窻中列遠岑苔斑錢剝落石

怪玉欽崙

樂天

鵲頂迎秋禿鶯喉入夏瘡柳絲垂色綻

棘刺露長針

夢得

散秩身猶幸趨朝力不任官將方共

拙年與病交侵

樂天

徇樂非時選忘機似陸沈鑒容稱

四皓捫腹有三壬

夢得

攜手慙連壁同心許斷金紫芝

雖繼唱

前後各在賓客

白雪少知音

樂天

憶罷吳門守相逢楚

水潯舟中頻曲宴夜後各加斟

夢得

濁酒銷殘漏絃聲

間遠砧酤顏舞長袖密坐接華簪

樂天

持論峯巒峻戰

文牙戟森笑言誠莫逆造次必相箴

夢得

往事應如昨

餘歡迄至今迎君常倒屣訪我輒攜衾

樂天

陰鬼初離

畢

將有後雨

陽光正在參

五月節

待公休一食縱飲共狂吟

夢得

得



劉賓客外集卷四

欽定四庫全書

劉賓客外集卷五

唐 劉禹錫 撰

雜詩

答張侍御賈喜再登科後自洛赴上都贈別
又被時人寫姓名春風引路入京城知君憶得前身事
分付鶯花與後生

和武中丞秋日寄懷簡諸僚故

退朝還公府騎吹息繁音吏散秋庭寂烏啼烟樹深威

生奉白簡道勝外華簪風物清遠目功名懷寸陰雲衢
念前侶綵翰寫沖襟涼菊照幽院敗荷攢碧潯感時江
海思報國松筠心空愧壽陵步芳塵何處尋

赴連州途經洛陽諸公置酒相送張員外賈
以詩見贈率爾酬之

謫在三湘最遠州邊鴻不到水南流如今暫寄尊前笑
明日辭君步步愁

贈元九侍御文石枕以詩獎之

文章似錦氣如虹
宜薦華簪綠殿中
縱使真飈生旦夕
猶堪拂拭愈頭風

訓元九侍御贈壁竹鞭長句

碧玉孤根生在林
美人相贈比雙金
初開郢客緘封後
想見巴山水雪深
多節本懷端直性
露青猶有歲寒心
何時策馬同歸去
闕樹扶疎敲鐙吟

和李六侍御文宣王廟釋奠作

歎息魯先師
生逢周室卑
有心律天道
無位救陵夷
歷

聘不能用領徒空爾為儒風正禮樂旅象入著龜西狩
非其應中都安足施世哀由我賤泣下為人悲遺教光
文德興王叶夢期土田封後肩冕服飾虛儀鐘鼓膠庠
薦牲牢郡邑祠聞君喟然歎偏在上丁時

敬酬徹公見寄二首

淒涼沃洲僧憔悴柴桑宰別來二十年唯餘兩心在越
江千里鏡越嶺四時雪中有逍遙人夜深觀水月

酬元九院長自江陵見寄

無事尋花至仙境等閒栽樹比封君金門通籍真多士
黃紙除書每日聞

韓十八侍御見示岳陽樓別竇司直詩因令
屬和重以自述故足成六十二韻

楚江何蒼然曾瀾七百里孤城寄遠目一寫無窮已蕩
漾浮天蓋四環宣地里積漲在三秋混成非一水冬遊
見清淺春望多洲渚雲錦遠沙明風烟青草靡火星忽
南見月破方東迤雪波西山來隱若長城起獨專朝宗

路駛悍不可止支川讓其威蓄縮至南委熊武走蠻落

熊武二溪名

瀟湘來與鄙炎蒸動泉源積潦搜山趾歸往無

旦夕包含通遠邇行當白露時眇視秋光裏曙色未昭

晰露華遙斐疊浩耳神骨清如觀混元始我風忽震盪

驚浪迷津洙怒激鼓鏗訇蹙成山巋碗鷗鵬疑變化罔

象何恢詭嘘吸寫樓臺騰驤露翬尾景移羣動息波靜

繁音弭明月出中央青天絕纖滓素光淡無際綠靜平

如砥空影渡鴻鴻秋聲思蘆葦鮫人弄機杼貝闕駢紅

紫珠蛤吐玲瓏文鯨翔旖旎水鄉吳蜀限地勢東南庠

翼軫榮垂精衡巫屹環峙名雄七澤藪國辨三苗氏唐

羿斷脩蛇荆王憚

下逆反

青兕秦狩跡猶在虞巡路從此

軒后奏宮商騷人詠蘭芷茅嶺潛相應橘洲傍可指郭

璞驗幽經羅含著前紀觀律戚里族按道侯家子聯袂

登高樓臨軒笑相視假守亦高卧

實時權領郡事

墨曹正垂耳

韓亦量移江陵法曹

契闊話溫涼壺觴慰遷徙地偏山水秀客重

杯盤侈紅袖花欲然銀燈晝相似興舍更抵掌樂極同

啟齒筆鋒不能休藻思一何綺伊余負微尚夙昔慙知
已出入金馬門交結青雲士襲芳踐蘭室學古遊槐市
策慕宋前軍文師漢中壘陋容昧俯仰孤志無依倚衛
足不如葵漏川空歎蟻幸逢萬物泰獨處窮途否鍛翮
重疊傷兢覓再三褫遽瑗亦屢化左丘猶有恥桃源訪
仙宮薛服祠山鬼故人南臺舊一別如弦矢今朝會荆
蠻斗酒相宴喜為余出新什笑拊隨伸紙奕若觀五色
歡然臻四美委曲風濤事分明窮達旨洪韻發華鐘淒

音激清徵羊濬要

平聲

共和江淹多雜擬徒欲仰高山

焉能追逸軌湘洲路四達巴陵城百雉何必顏光祿留
詩張內史

訓賓員外使君寒食日途次松滋渡先寄示

四韻

楚鄉寒食橘花時野渡臨風駐綵旗草色連雲人去住
水紋如縠燕差池朱輪尚憶羣飛雉青綬初縣左顧龜
非是湓城魚司馬水曹何事與新詩

和竇中丞晚入容江作

漢郡三十六鬱林東南遙人倫選清臣天外頒詔條桂
水步秋浪火山凌霧朝分圻辨風物入境聞謳謠莎岸
見長亭烟林隔麗譙日落舟益駛川平旗自飄珠浦遠
明滅金沙晴動搖一吟道中作離思懸層霄

呂八見寄郡內書懷因而戲和

文苑振金聲循良冠百城不知今史氏何處列君名

寄楊八拾遺

時出為國子主簿分司東都韓十八員外亦轉國子博士同在

洛陽

聞君前日獨庭爭漢帝偏知白馬生忽領簿書遊太學
寧勞侍從厭承明洛陽本自宜才子海內而今有直聲
為謝同寮老博士范雲來歲即公卿

訓賓員外郡齋宴客偶命柘枝因見寄兼呈

張十一院長元九侍郎

員外時兼節度判
官佐平蠻之畧張

初罷都官
元方從事

分憂餘刃又從公白羽胡床嘯詠中綵筆諭戎矜倚馬

華堂留客看驚鴻渚宮油幕方高步
澧浦甘棠有幾叢
若問騷人何處所門臨寒水落江楓

謝實員外旬休早涼見示詩

奉書報詰
朝有宴

新秋十日澣朱衣鈴閣無聲公吏歸
風韻漸高梧葉動
露光初重槿花稀四時苒苒催容鬢
三爵油油忘是非
更報明朝池上酌人知太守字玄暉

訓楊侍郎憑見寄二首

翔鸞闕底謝皇恩纓上滄浪舊水痕
踈傳揮金忽相憶

遠擎長句與招魂

十年毛羽催頽一旦天書召回看看花時欲到故侯也
好歸來

南海馬大夫見惠著述三通勒成四帙上自
遂古達于國朝采其菁華至簡如富欽受
嘉貺詩以謝之

紅旗閱五兵絳帳領諸生味道輕鼎食退公猶筆耕青
箱傳學遠金匱納書成一瞬見前事九流當抗行編蒲

曾苦思垂竹媿無名今日承芳訊誰言贈袞榮

南海馬大夫遠示著述兼訓拙詩輒著微誠

再有長句時蔡戎未弭故見於末篇

漢家旌旆付雄才百越南溟統外臺身在絳紗傳六藝
腰懸青綬亞三台連天浪靜長鯨息映日帆多寶舶來
聞道楚氛猶未滅終須旌旆掃雲雷

和楊侍郎初至郴州紀事書情題郡齋八韻

旌節下朝臺分圭從北回城頭鶴立處驛樹鳳栖來

蘇軾

傳云後化為仙鶴止城東北隅人上又州舊路芳塵在
北栖鳳麟圖經云常有威鳳降於寒梧也

新恩駟騎催里閭風偃草鼓舞拊成雷吏散山禽轉庭
香夏蕊開郡齋堪四望壁記有三台人訝徵黃晚文非
弔屈哀一吟梁甫曲知是卧龍才

和郴州楊侍郎詵郡齋紫薇花十四韻

幾年丹霄上出入金華省暫別萬年枝看花桂陽嶺南
方多奇樹公府成佳境綠陰交廣除明豔透蕭屏雨餘
人吏散燕語簾櫳靜懿此含曉芳翛然忘簿領紫茸垂

組縷金樓攢鋒穎露溽暗傳香風輕徐就影葺弱多意
思從容占光景得地在侯家移根近仙井開樽好凝睇
倚瑟仍回頸遊蜂駐綵冠舞鶴迷烟頂興生紅藥後愛
與甘棠並不學夭桃姿浮榮有俄頃

和南海馬大夫聞楊侍郎出守郴州因有寄

上之作

忽驚金印駕朱轡遂別鳴珂聽曉猿碧落仙來雖暫謫
赤泉侯在是深恩玉環慶遠瞻台座銅柱勲高壓海門

一詠瓊瑤百憂散何勞更樹北堂萱

奉和鄭相公以考功十弟山薑花俯賜篇什
採擷黃薑藥封題青鎖闥共聞調膳日正是退朝歸響
為纖筵發情隨綠翰飛故將天下寶萬里與光輝

馬大夫見示浙西王侍御贈答詩因命同作

大夫榮踐舊府又歷交趾桂林南人歌之
列在風什王侍御公易一別歲除寄來篇
札以代

憶逐羊車凡幾時今來舊府統戎師象筵照室會詞客

銅鼓臨軒舞海夷百越酋豪稱故吏十洲風景助新詩
秣陵從事何年別一見瓊章如素期

訓馬大夫登涯口戍見寄

新辭金印拂朝纓臨水登山四體輕猶念天涯未歸客
瘴雲深處守孤城

訓馬大夫以愚獻通茆萸酒感通拔二字因而寄別之作

泥沙難振拔誰復問窮通莫訝提壺贈家傳枕麴風成

謠獨酌後深意片言中不進終無已應須荀令公

答楊八敬之絕句

楊生時亦謫居

飽霜孤竹聲偏切帶火焦桐韻本悲今日知音一留聽
是君心手不平時

鄂渚留別李二十一表臣大夫

高檣起行色促柱動離聲欲問江深淺應如遠別情

答表臣贈別二首

昔為瑤池侶飛舞集蓬萊今作江漢別風雪一徘徊嘶

馬立未還行舟路將轉江頭暝色深揮袖依稀見

始發鄂渚寄表臣二首

祖帳管絃絕客帆淒風生回車已不見猶聽馬嘶聲曉
發柳林戍遙城聞五鼓憶與故人眠此時猶晤語

出鄂州界懷表臣二首

離席一揮杯別愁今尚醉遲遲有情處却恨江帆駛夢
覺疑連榻舟行忽千里不見黃鶴樓寒沙雪相似

重寄表臣二首

對酒臨流奈別何
君今已醉我蹉跎
分明記取星星鬢
他日相逢應更多

世間人事有何窮
過後思量盡是空
早晚同歸洛陽陌
卜鄰須近祝雞翁

寄唐州楊八歸厚

淮安古地雍州師
畫角金鐃旦夕吹
淺草遙迎鴈鸛馬
春風亂颭辟邪旗
謫仙年月今應滿
戇諫聲名衆所知
何況遷喬舊同伴
一雙先入鳳凰池

時徐晦楊嗣復二
舍人與唐州同年

第及

重寄絕句

淮西既是平安地
鷓鴣路今無羽檄飛
聞道唐州最清靜
戰場耕盡野花稀

春日寄楊八唐州二首

淮西春草長淮水逶迤
光燕入新村
路人耕舊戰場可
憐行春守立馬看斜桑

漠漠淮上春
莠苗生故壘
梨花方城路
荻簞蕭陂水
高

齋有謫仙坐嘯清風起

寄朗州溫右史曹長

暫別瑤墀鴛鴦行綵旗雙引到沅湘城邊流水桃花過
簾外春風杜若香史筆枉將書紙尾朝纓不稱濯滄浪
雲臺公業家聲在徵詔何時出建章

和東川王相公新漲驛池八韻

今日池塘上初移造物權苞藏成別島沿濁致清漣變
化身言下蓬瀛落眼前泛觴驚翠羽開幕對紅蓮遠寫

風光入明舍氣象全渚烟籠驛樹波日漾賓筵曲岸留
緹騎中流轉綵船無因接元禮共載比神仙

訓楊八副使將赴湖南途中見寄一絕

知逐征南冠楚材遠勞書信到陽臺明朝若上君山上
一道巴江自此來

訓楊司業巨源見寄

壁雍流水近靈臺中有詩篇絕世才渤海歸人將集去
梨園弟子請詞來瓊枝未識覓空斷寶匣初臨手自開

莫道專城管雲雨其如心似不燃灰

訓國子崔博士立之見寄

健筆高科早絕倫後來無不揖芳塵
遍看今日乘軒客多是昔年呈卷人
胄子執經瞻講座郎官共食接華廂
煩君遠寄相思曲慰問天南一逐臣

訓馮十七舍人宿衛贈別五韻

少年為別日隋宮楊柳陰白首相逢處
巴江烟浪深使星三蜀酒春雨霑衣襟
王程促速意夜語殷勤心却歸

天上去遺我雲間音

劉賓客外集卷五